



Inatsisartunut ilaasortaq Evelyn Frederiksen, Siumut

INDGÅET

11 MAR. 2014

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37 malillugu inuusuttut pinerluuteqarsimasut 18-it inorlugit ukiullit inissinneqarsimasut pillugit apeqqutigineqartunut akissutit

10. marts 2014
Sulfiap normua SJ-STD-RJOH
All. Nr. 1505128

Asasara Inatsisartunut ilaasortaq Evelyn Frederiksen, Siumut.

Postboks 260
3900 Nuuk

Inuusuttut pinerluuteqarsimasut 18-it inorlugit ukiullit inissinneqarsimasut pillugit apeqqutigisannut qujanaq.

Oqarasuaat (+299) 34 50 00
Fax (+299) 34 66 66
E-mail: lian@nanoq.gl
www.naalakkersuisut.gl

Apeqqut 1. Ullumikkut meeqqat inuusuttuaqqallu 18-it inorlugit ukiullit, arlaleriarlutik pinerluuteqarsimasut, angajoqqaaminnit imaluunnit najortiminnit aqunneqarsinnaanngitsut qanoq inissinneqartarpat?

Akissut: Ilaqutariinnermut Inatsisinillu Atuutsitsinnermut Naalakkersuisoqarfiup apeqqut 2 aamma apeqqut 4 innersuussutigissavai.

Apeqqut 2. Meeqqat inuusuttullu 18-it inorlugit ukiullit sakkortuumik sumiginarneqarsimanermikkut, sakkortuumik pinerluuteqarsimasut ullumikkut sumut inissinneqartarpat?

Akissut: Siusinnerusukkut "sulfiassartalerlugit inissiisarnerit" pilersinneqarnikuupput - ajornartinnagu inuusuttunut ataasiakkaanut naleqqussarneqartartut. Ulloq unnuarlu paaqqinnittarfinnut ullumikkumut siunertamut atorneqarsimasunut assersuutissaapput: Matu Nuummiitoq, Qasapermiut Sisimiuniittoq aamma Orpigaq Kangerlussuarmiittoq. Kommuninit oqaatigineqarpoq tamakku saniatigut assersuutissaqartoq inuusuttut sa-vaatilinni allanilu inissinneqartarsimasut - taamaattoq ulloq unnuarlu paaqqinnittarfinnut immikkoortortaqaqarfiup akuersissutigingisaanik.

Apeqqut 3. Aningaasat qanoq annertutigisut meeqqanut inuusuttunullu 18-it inorlugit ikiulinnut inissiigallarnermut atorneqartarpat?

Akissut: Maannakkut inuusuttunik meeqqanillu 18-it inorlugit ukiulinnik pinerluuteqarsimasunik inissiigallartarnernut aningaasat qassit atorneqarsimanerannik ataatsimut naatsorsuutininik peqartoqanngilaq.

Apeqqut 4. Inissiigallarnermut imaluunniit inissiivissamik ataavartumik peqartoqarpat, qassit inissaqarpat qassillu utaqqippat inissinneqarnissaminut?

Akissut: Siumut isigaluni inuusuttut 18-it inorlugit ukiullit tigusaqqasut inersimasunit inissinneqarsimasunit avissaartisimanissaannik pisariaqartitsineq naammassisinnaajumallugu IIAN immikkoortortaqaqarfimmik isumannaallisakkamik sisamanut inissalimmik

Sisimiuni pilersitsivoq. Taamatuttaaq immikkoortorta qarfirmik ammasumik sisamanut inissalimmik. Forstanderi sulisullu aallarereerput periaasissat suleriaasissallu suliaralugit taamatullu inuusuttut takkuttarnissaat pilersaarusiorlugu. Ulloq unnuarlu paaqqinniffiup inissitassanik maannakkut pisariaqartitat naammassisinnaassagai naats-orsuutigineqarpoq.

Inuusuttunut immikkoortorta qarfirmi isumannaallisakkami inissiineq inuuniarnermi perorsaanermik suliasartaqarpoq. Taamaamat pingaaruteqarpoq inuusuttut timikkut eqqarsartaatsikkullu patajaallisarnissaannut ikiorneqarnissaannik neqerooruteqarfigineqartarnissaat. Inuusuttut sakkortuunik pisimasoqarfiusartuniit tigusaanermik ajornerpaaffeqartuniit takkuttartussaassasut isumaqarnarpoq.

Immikkoortorta qarfirmi isumannaallisakkameereeruni inuusuttoq pissusissamisoortumik siunertalimillu ulloqartaqqilersinnaassaaq. Taamatuttaaq inuusuttup sulisinut aaqqissuussaasumik attaveqartaqqilersinnaakkajussaaq, inuusuttup annertunerusumik allanngornissaanut ineriartornissaanullu piomassuseqalersinneqarneranik kinguneqartumik. Pitsaasumik allanngoriartorneq annertunerpaatigut isigalugu immikkoortorta qarfirmi ammasumiitinneqarneratigut angerlartitaannginnerani ingerlaqqittariaqarpoq.

2009-miillu pinerluuteqarsimasunik isumaginnittoqarfik malillugu meeqqat inuusuttullu 17-it sivikinnerusumik sivilisunerusumilluunniit tigummisaasimapput. 2013 tamakkerlugu inuusuttut 18-it inorlugit ukiullit pingasut eqqartuussaasimasunut inissiisarfirmiissimapput. Tamarmik pingasuullutik ukiup qaammataani siullerni arfinilinni inissinneqarsimapput. Juli 2013-imiit ullumikkumut meeqqanik inuusuttunillu 18-it inorlugit ukiulinnik inissiisarfirmi tigusaqqasoqarsimanngilaq.

Inuusuttut tigusaqqanerannut pissutaanerpaasarput inunnut ulorianaatilimmik pinerluuteqarsimanerat. Taamaamat inuusuttut pisussanut allanut pinaveersaartinneqartariaqarsimapput. Taamaattoq suliani ataasiakkaani piffissap sivikitsup ingerlanerani assigiinngitsunik pinerluuteqartoqartarsimavoq. Maannakkut ulloq unnuarlu paaqqinnittarfinnut immikkoortorta qarfik Qitiusumik Utaqqisut Allattorsimaffianni inuusuttunik pinerluuteqarsimasunik 18-it inorlugit ukiulinnik inissamut isumannaallisakkamut pisariaqartitsisunik allassimasuuteqanngilaq.

IIAN unnerluussisartutut oqartussaaitaasunut attaveqartalerportaaq ulloq unnuarlu paaqqinnittarfirmi isumannaallisakkami eqqartuussivitsigoorluni inissiinissanik pisariaqartitsinerup paasineqarnissaa eqqarsaatigalugu.

Unnerluussisartutut oqartussaaitaasut pisariaqartitanik paasiniaallutik sulinertik aallartereerpaat. Unnerluussisartutut oqartussaaitaasut sulinertik naammasseriarunikku eqqartuussivitsigoortumillu inissiinissanik pisariaqartitsineq paasereerlugu IIAN attaveqarfiginiarpaat – paasissutissanik tunniussisoqarnissaa siunertaralugu.

Apeqqt 5. Meeqqat inuusuttullu pinerluuteqarsimasut qanoq nalunaarsorneqarpat?

Akissut: Pinerluuteqartut ukiukinnerpaaffissaat aalajangiisuusarpoq inuusuttup pinerluuteqarnerminut pillaasarnermut inatsisinut tunngatillugu akisussaatinneqarsinnaaneranut. Meeqqat 15-it inorlugit ukiullit pinerluuteqarnerminnut unnerluutigineqartanngil-

lat, tassami pinerluuteqartut ukiukinnerpaaffissaat Kalaallit Nunaanni 15-inut killiligaamat. Taarsiullugu Politiini killisiuisoqartarpoq, tassani inunnik isumaginninnermut oqartussaasutaaq ingerlaneranut peqataatitaasarlutik. Inuusuttoq 15-it qaangerlugit ukiulik pinerluuteqarpat politiit sulianik suliaqartarneranni unnerluussisussanngortitsisoqartarpoq. Taamaalereerpat unnerluussineq qitiusumik pinerluuteqarsimasut nalunaarsorsimaffiannut nuunneqassaaq.

Apequt 6. Kiisalu qassit inissiigallartarfimmeereernermi kingorna pinerluuteqaqqittarpat?

Akissut: IIAN paasissutissanik, paasissutissanik atorsinnaasunik kiisalu kisitsisitigut paasissutissanik aappaatigut siusinnerusukkut inuusuttut inissitaasimasut aappatigullu inuusuttut inunnut ulorianaatilinnik arlaleriarlutik pinerluuteqarsimasut akornanni ataqatigiissitsinernut nassuaataasinnaasunik pigisaqanngilaq.

Inussiarnersumik inuulluaqqusillunga
Med venlig hilsen


Martha Lynd Olsen